



Олий ва ўрта махсус таълим вазирлигининг  
2021 йил "3" март  
-сон буйруғига 18-илова

## **“Конституция – фаровон ҳаётимиз пойдевори” ва “Коррупция – тараққиёт кушандаси” мавзуларида “Энг яхши иншо” танловининг НИЗОМИ**

### **I. Умумий қондалар**

1. Олий ва ўрта махсус таълим вазирлиги томонидан Ўзбекистон Ёшлар ишлари агентлиги билан ҳамкорликда 2021 йил 29 январда тасдиқланган “2021 йил Ёшлар ўртасида маънавий-маърифий ва тарбиявий ишлар самарадорлигини ошириш бўйича Олий ва ўрта махсус таълим вазирлиги тизимида амалга ошириладиган ишлар юзасидан чора-тадбирлар Дастури”нинг 32-бандида белгиланган вазифалар ижросини таъминлаш мақсадида ташкил этилади.
2. “Конституция – фаровон ҳаётимиз пойдевори” ва “Коррупция – тараққиёт кушандаси” мавзуларида “Энг яхши иншо” танловида олий таълим муассасаларида тахсил олаётган талабалар ўзларининг ижодий ишлари билан иштирок этади.
3. Танлов “Энг яхши иншо” номинациясида масофавий ўтказилади.
4. Танловнинг олий таълим муассасаси босқичларини ташкил этиш ва ўтказиш жараёни олий таълим муассасаларининг Ёшлар масалалари ва маънавий-маърифий ишлар бўйича проректор ва бўлим бошлиғи томонидан амалга оширилади.

### **II. Танловнинг мақсади ва вазифалари**

5. Танловнинг асосий мақсади – талабалар ўртасида Ўзбекистон Республикаси Конституциясини мазмун-моҳиятини тушунтириш, ҳуқуқий саводхонлигини ошириш, “Янги Ўзбекистон – янгича дунёқараш” тамойили асосида ёшларда ҳуқуқбузарлик, коррупцияга, жиноятчиликка қарши тоқатсизлик руҳини шакллантириш, қонунларни ҳурмат қилишга, бурч ва мажбуриятларини виждонан бажаришга ўргатишдан иборат.
6. Танловнинг вазифалари қуйидагилардан иборат:
  - талабалар ўртасида ижтимоий-сиёсий вазиятнинг барқарорлигини таъминлаш, уларни турли бузғунчи ғоялар таъсирига тушиб қолишнинг олдини олиш;
  - талабаларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш;
  - талабаларни ҳар томонлама соғлом ва баркамол этиб тарбиялаш, ўз иқтидорларни намоён этишлари учун шарт-шароитлар яратиш ҳамда мустақил ва эркин фикрга эга истеъдодли талабаларни ҳар томонлама ривожлантириш;
  - талабаларда ёт ғояларга қарши мустаҳкам иммунитетни шакллантириш;
  - чора-тадбирлар дастурининг мазмун-моҳияти тарғиботи таъсирчанлигини ошириш;
  - ёш авлодни ҳар томонлама етук, юксак маънавиятли, интеллектуал салоҳиятли, ота-онасига, Ватанига садоқатли инсонлар қилиб тарбиялаш;
  - талабаларнинг “Конституция – фаровон ҳаётимиз пойдевори” ва “Коррупция – тараққиёт кушандаси” мавзуларида “Энг яхши иншо” танлови ижодий ишларини кенг жамоатчиликка етказиш.

### **III. Танловни ўтказиш босқичи ва муддатлари**

7. “Конституция – фаровон ҳаётимиз пойдевори” ва “Коррупция – тараққиёт кушандаси” мавзуларида “Энг яхши иншо” масофавий танлов уч босқичда ўтказилади:

биринчи босқич – академик гуруҳлар талабалари ўртасида жорий йил декабрь ойининг биринчи ўн кунлигида ўтказилади;

иккинчи босқич – факультетларaro уларнинг ғолиблари ўртасида декабрь ойининг иккинчи ўн кунлигида ўтказилади;

учинчи босқич (якуний) – олий таълим муассасалари ғолиблари ўртасида жорий йил декабрь ойининг учинчи ўн кунлигида ўтказилади.

#### **IV. Танловни ташкил этиш ва ўтказиш**

8. Танловнинг биринчи ва иккинчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар хайъати тузилади.

9. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар хайъати томонидан танлов шартлари ва мезонлари асосида баҳоланади.

10. Танловнинг учинчи босқичини ташкил этиш ва ўтказиш Ташкилий қўмита томонидан амалга оширилади. Танловнинг якуний босқичи ғолибларини аниқлаш бўйича Ҳакамлар хайъати тузилади ва танлов ғолиблари Ташкилий қўмитанинг йиғилиш баёни орқали тасдиқланади. Хайъат таркибига соҳа бўйича етук мутахассислар жалб этилади.

#### **V. Танлов шартлари ва баҳолаш мезонлари**

11. Иншолар қуйидаги мезонлар асосида баҳоланади:

мавзунинг мазмун-моҳияти тўлақонли очиб берилганлиги (илмий, расмий, бадий критерияларига мос ва мавзу долзарблигига кўра);

ижодий ишларнинг стилистик ва грамматик жиҳатдан тўғри ёзилганлиги;

мавзуни ёритишда адабиётлардан фойдаланганлик даражаси ва таҳлилий ёндашувлар, мустақил фикрларнинг аниқ билдирилганлиги;

мавзуни ёритишда ўзига хос ижодкорлик хусусиятлари ифода этилганлиги;

мавзуни ёритишда ҳаётний мисоллардан кенг фойдаланилганлиги;

мавзуга оид долзарб масалалар, уларнинг ечимлари тўғрисида тақлифлар келтирилганлиги;

12. Тақдим этиладиган мақолалар ҳажми 8-10 дан 15-20 бетгача бўлиши мумкин ҳамда “Конституция – фаровон ҳаётимиз пойдевори” ва “Коррупция – тараккиёт кушандаси” мавзуларидан бирида бўлиши мумкин.

13. Ҳар бир мезон 10 баллик тизим асосида баҳоланади (жами 70 балл).

#### **VI. Хужжатларни тақдим этиш тартиби**

14. Олий таълим муассасаларида иншолар танлови бўйича ғолиб бўлган, 1-ўринни эгаллаган талабаларнинг хужжатлари (*баённомаси ва қарори, ғолиб бўлган талабанинг ижодий материаллари ва 10x15 ҳажмдаги фотосурати(электрон шаклда)*)ни ва қўл ёзмаларини \*pdf шаклда тақдим этилади.

15. Танловга тақдим этиладиган иншолар (ўзбек, рус ёки инглиз тилларида ёзилиши мумкин) ёзма матнлар илмий, техник, стилистик таҳрир қилинган бўлиши шарт. Ёзма материалларнинг 1-нусхасида талабаларнинг ўқиш жойи, факультети, курси ва таълим йўналиши тўлиқ кўрсатилади, 2-нусхасида ўқиш жойи, факультети, курси ва таълим йўналиши кўрсатилмайди.

#### **VII. Танлов ғолибларини тақдирлаш**

16. Танловнинг биринчи ва иккинчи босқичида юкори (1, 2, 3) ўринни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан

тақдирланади. Юкори (1, 2, 3) ўринни эгаллаган талабаларнинг ижодий ишлари олий таълим муассасаси ижтимоий тармоқларидаги расмий каналлари ва сайтларида ёригилади.

17. Танловнинг “Энг яхши иншо” номинацияси бўйича Республика босқичида ғолиб бўлган талабалар қуйидаги тартибда пул маблағлари ва Олий ва ўрта махсус таълим вазирлигининг дипломлари билан рағбатлантирилади:

“Конституция – фаровон ҳаётимиз пойдевори” ва “Коррупция – тараккиёт кушандаси” мавзуларида “Энг яхши иншо” танловидаги ишлар:

1-ўрин – 3 000 000 (миллион) сўм;

2-ўрин – 2 000 000 (уч миллион) сўм;

3-ўрин – 1 000 000 (икки миллион) сўм.

18. Танловнинг республика босқичи иштирокичиларининг якуний баҳолари тенг ҳамда совринли ўрин эгаллаган тақдирларида пул мукофотлари иштирокчиларга баробар тақсимланади.

Шунингдек, Танлов йўналиши бўйича Республика босқичида юкори балл тўплаган талабалар Олий ва ўрта махсус таълим вазирлигининг фахрий ёрлиғи билан тақдирланади. Талабаларнинг энг сара ижодий ишлари олий таълим муассасаси ижтимоий тармоқларидаги расмий каналлари ва сайтларида ёригилади.